

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke broj:14-228320-2/14 od 15.12.2020. god., ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa direktorica Melisa Alibašić Hadžić, dipl.pravnik (u daljem tekstu: Ugovorni organ)
2. **Instituta za certificiranje sistema d.o.o. Sarajevo, ul. Džemala Bijedića br. I29, Lamela B, PP 15**, registrovan kod Općinskog suda u Sarajevu, matični broj subjekta upisa: 65-01-0806-12, identifikacijski broj kod Porezne uprave FBiH Kantonalni ured Sarajevo 4201790310004, PDV broj: 201790310004, koga zastupa direktor Nedim Čaušević (u daljem tekstu: Izvršilac usluga)

Dana 15.12.2020.godine, u Sarajevu zaključuju

UGOVOR O IZVRŠENJU USLUGA

Član 1.

Ugovorne strane su saglasne da Izvršilac usluga za potrebe Ugovornog organa izvrši usluga GAP analize usklađenosti sa Zakonom o hrani "Službene glasnik BiH", br.50/04 primjenom standardnog HACCP sistema za potrebe Kantonalne javne ustanove „Gerontološki centar“ Sarajevo, a sve prema Ponudi Instituta za certificiranje sistema d.o.o. Sarajevo broj: 650/2020_K0 od 11.12.2020. god., koja čine sastavni dio ovog Ugovora.

Član 2.

Ugovorenom uslugom je obuhvaćeno: Pregled trenutnog stanja opreme i infrastrukture, definiranje vanjskih i unutrašnjih faktora koji utiču na HACCP sistema uključujući CP i CCP, izrada izvještaja o provedenoj aktivnosti za određivanje detaljnih smjernica i prioriteta o prilagodbi HACCP sistema zakonskoj regulativi i obuci kadra. Izvršilac usluge se obavezuje da analizu dostavi Ugovornom organu najkasnije u roku od 10 dana.

Član 3.

Ukupna ugovorena vrijednost predmetne usluge iznosi **3.000,00 KM bez uračunatog PDV-a, odnosno 3.510,00 KM sa PDV-om.**

Ugovorena vrijednost iz stava 1. ovog člana je fiksna do kraja izvršenja ovog Ugovora.

Član 4.

Ugovorni organ se obavezuje da će plaćanje ugovorene vrijednosti usluga iz člana 3. ovog Ugovora izvršiti nakon dostavljanja izvještaja, i to u roku od 15 dana od dana prijema fakture za plaćanje, na transakcijski račun Izvršioca usluga, broj: 3384402215239389, otvoren kod UniCredit Banke d.d..

Član 5.

Ugovorne strane su saglasne da se usluga GAP analize usklađenosti sa Zakonom o hrani "Službene glasnik BiH", br.50/04 primjenom standardnog HACCP sistema za potrebe Kantonalne javne ustanove „Gerontološki centar“ Sarajevo, izvrši u objektima Ugovornog organa, u Sarajevu, ul. Aleja Bosne srebrene broj 7., nakon obostranog potpisivanja predmetnog ugovora u roku propisanom članom 2. ovog Ugovora. **Izvršilac usluga se obavezuje da lice-a zadužena za izvršenja usluge moraju imati negativan PCR test na COVID -19 ne stariji od 48 sati, te se ista moraju pridržavati svih higijensko – epidemioloških mjera.**

Član 6.

Izvršilac usluga garantuje blagovremeno i kvalitetno izvršenje predmetne usluge.

Ukoliko u toku izvršenja ovog Ugovora nastupe okolnosti koje se u vrijeme njegovog zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Ugovorne strane su dužne da se o nastalim nepredviđenim okolnostima odmah međusobno pismeno obavijeste.

Član 7.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 8.

U svrhu izvršenja ovog Ugovora Izvršilac usluga nema pravo zapošljavati lica koja su učestvovala u pripremi tenderske dokumentacije najmanje šest mjeseci po zaključenju ovog Ugovora.

Član 9.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 10.

Ovaj Ugovor se primjenjuje od dana obostranog potpisivanja i traje do izvršenja svih ugovorenih obaveza.

Član 11.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim primjenom pismenog obavještenja o raskidu istog.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA

Broj:

Datum:

UGOVORNI ORGAN

Melisa Alibašić Hadžić, dipl.pravnik

Broj: 14-2283

Datum: 15.12.2020.godine